

金石存二





金 石 存  
(一)

趙 摺 編

金石存卷五

篆五

鈍根老人編

綿州李調元雨村校

宋夢英千字文

宋郭忠恕陰符經

宋敦興頌

宋夢英偏旁字源

宋王母宮頌

宋東海鬱林觀刻石

宋二體石經

宋李宗五箴



宋僧夢英篆書千字文 乾隆三年

勅負外散騎侍郎周興嗣次韻 南嶽講華嚴法

界觀賜紫沙門夢瑛篆并古文篆額 前攝涇州

節度巡官袁正已隸書 武威郡安仁亦刊字

大宋乾德三年十二月二十八日立 推誠奉義

翊戴功臣永興軍節度管内觀察處置等使特進

檢校太尉同中書門下二品行京兆尹上柱國濮

陽郡開國公食邑二千一百戶食實封八百戶吳

廷祚建

右千字文宋僧夢英書他碑皆作英獨此作瑛千

文他本皆云指薪修祜獨此作修祐英公自負書

家同時獨推一郭忠恕獨不聞江南有二徐在耶  
予謂英公特長于書法耳未通字學也此及偏旁  
二碑皆步趨當筆尚不失六書槩度至所作十八  
體便陸惡道安得哀朱亥四十斤鐵椎一推碎之  
乎

宋三體陰符經 乾德四年

經曰觀天之道執天之行盡矣故天有五賊見之者  
昌五賊在心於行於天宇宙在乎手萬化生乎身天  
性人也人心機也立天之道以定人也天發殺機日  
月星辰地發殺機龍蛇起陸人發殺機天地反覆天  
人合發萬變定基惟有巧拙可以伏藏九竅之衰在  
乎三要可以動靜火生於木禍發於剋姦生於國皆  
勤必清知之修練聖之聖人天生天殺道之理也天  
地萬物之盜也萬物人之盜也人萬物之盜也三盜  
既宜三才既安故曰食其旨百骸理動其機萬化安  
人知其神而神不知不神所以神也日月有數大小

有定聖功生焉神明出焉其盜機也天下莫不見莫能知也君子得之固躬小人得之輕命瞽者善聽聾者善視絕利一源用師十倍三反晝夜用師萬倍心生於物死於物機在目天之無息而大恩生迅雷烈風莫不蠢然至樂性餘至靜則廉天之至私用之至公禽之制在氣生者死之根死者生之根息生於害害生於恩愚人以天地文理聖我以時物文理哲自自然之道靜故天地萬物生天地之道漫故陰陽勝陰陽相推而變化順矣至靜之道律歷所不能契爰有奇器是生萬象八卦甲子神機鬼藏陰陽相勝之術昭昭乎進乎象在



大宋乾德四年四月十三日建

郭忠恕三體書 安祚勒字

右陰符經宋郭忠恕三體書大小二篆可稱能品  
隸書乃無一筆入格不作可也忠恕善書善小楷  
今皆不可見所傳者僅此耳



宋教興頌

大宋教興頌 虛儀先生撰 趙郡唐英書

崑朝顯德季季世宗上僊冲人嗣位象嶽震盪鬼神  
不寧玉版既終金碑告代巍乎神氣殆若綴旒六合  
繇是竦觀式靈以之改卜神道輔德百姓與能爾無  
異言遠無異望眷

我皇○歷數在躬嗣夏配天不失舊物車旗正朔無  
改於○○亥物聲明載采於周禮罰壺關之叛平淮  
甸之○○首戴干戈躬擐甲冑六校之怒未泐式  
兇之○俄平日者亥衰起戎保權告鷄北軍爰整南  
服又○石湘鳥以四分斬巴蛇於千斷席卷吳會气

飛衡巫不四三季書執渾同天地交泰則自古帝王  
穀興之道未有如建隆之盛哉無愧之辭致以爲頌  
維周嗣皇昏冲不經二世而亾維宋兆基受命咸宜  
天人○祇維帝龍飛應運○岿雲行雨施維天爲大  
無○不蓋民斯慶戴於鑠我皇神武會昌天地同光  
援釐宣室景靈昭質無疆唯邱洞庭漣漣巴陵遷遷  
億萬斯季

皇帝嗣明萬之式葉歲在未月建午日丁卯 攝太  
常寺太祝李夢徵傳本 安察刻字

右大宋穀興頌前稱虛儀先生譔趙郡唐英書後  
云攝太常寺大祝李夢徵傳本虛儀先生不著姓

名不知為何人但碑頌為太祖作臣子頌君而以先生稱何不恭之甚也按宋史乾德四年命慕容延昭等討湖南將張文表未至而文表已為武平節度使周保權所殺延昭等又克潭州執保權湖南悉平碑所云文表起戎保權告難正指此也碑後所署歲月云皇帝嗣明高之三葉歲在未月建午日丁卯改太祖開寶四年辛未是時宋有天下十二年矣所云三葉蓋十二年也



宋偏有字源 咸平二年

篆書目錄偏有字源五百四十部其建首立一為端  
畢終于亥 南岳卧雲空宣義大師賜紫夢英書兼  
自序 安文祭鑄字

一 上 示 三 五 王 珽 乞 士 丨

艸 艸 蓐 艸 小 八 采 艸 半 牛 犛 陌  
包

谷 口 口 范 口 火 哭 委 止 此 撥 步 此

是 正 彳 亦 丑 又 忍 延 行 齒 身 足

疋 呂 山 品 侖 用 器 舌 干 谷 只 肉

句 彳 古 十 舟 先 言 諳 音 辛 革 士  
角

叢 木 方 奴 恭 巨 非 蒲 班 共 異 叟 曰 農 饜 上 亂 革

馬的力 鋤行力 爪 乳 鬥候丁 又 少可相 史 支 肅汝女

聿述以 畫 肅戴大 取 臣 及 殺 九 寸 皮

甕究人 文善木 效 卜 用 交 效 覈券火 目 眦具已

睂 盾尹土 自 白蒲革 鼻 百備筆 習 羽 雀 雀先佳

萑官胡 竹凡上 簞 芋 犇延式 瞿具已 雒牛上 雒才 烏 烏

華干必 萬候古 么 兹 車緝上 玄 予 放 受表平 叔丹在

肖崑五 死 丹工 骨 肉 筋 刀 刃 初八 丰 械

耒外力 角 竹 箕 丌其居 左 工 珏鞞 巫 甘

曰 乃 丂藁枯 可 兮 号 于 旨 喜 豈甸竹

鼓 豈 豆 豐 豐 盧奇火 虎胡犬 虎古火 虢干 皿明 丙

△於土 太 血 冏 青 井 皂木方 鬯向丑 食 會



倉 人集音入 缶 矢式 高 門古 亭 京 高許

昂呼 富六弗 向錦力 香加 來 麥白 又危山 舛 隣順 韋

弟 久几竹 久 桀殪 木 東 林 才 及灼 出

币 出七工 水 生 七革竹 歛 吐 筮考 藝 未奚 稽

巢 棗七音 東 橐補 口威于 員 涓 邑 艸降 日

旦 孰旦工 放寔於 冥 晶 月 有 明 固古 夕

多 毋丸工 弓 康下 肉下 齊 東賜 片 鼎 亨

条木力 禾 秣狄力 黍汝式 香 米 穀委火 臼有巨 凶 州匹

黼匹 麻賣 赤六式 嵩九 韭 瓜 瓠户 門先 宮 上 呂

穴 寢貢莫 分厄女 門狄彌 冂僕 冂報 兩 网往 西 下 巾

雨 曳匹 蒲几竹 市 勿 帛 白 人 已卦 七界 从 容 比

皿 一 北 众 今 牛 王 頂 他 重 裘 巨 鳩 老 毛 毳 尸 之 失

尺 尾 卧 身 身 衣 履 舟 方 几 人 音

兄 先 林 痲 兒 莫 兜 戶 公 先 禿 土 祿 見 覲 音 欠 飲 於 錦

次 先 似 兇 居 頁 頁 百 式 面 丙 必 晉 諷 具 工 須 多 山 廉

亥 勿 文 邛 必 后 司 卮 移 卩 節 卬 一 色 兌 京 豈

辟 勺 音 苟 包 色 鬼 由 佛 么 息 冤 偉 牛 山 山 因 所

户 五 广 儼 音 厂 罕 音 凡 危 石 長 勿 林 古 而 廌 獸

豕 帚 夫 女 例 豚 昆 徒 豕 冢 詞 梓 易 象 馬 廌 獸

鹿 麤 七 吾 龜 約 丑 兔 故 他 覓 官 胡 犬 狀 巾 鼠 式 能 熊

火 炎 巽 囟 江 焱 炙 夜 之 奘 大 夫 矢 力 組

天 交 九 黃 一 壺 姑 壺 吉 於 奪 汝 奢 亢 本 他 芥 道 公

才也 夫 立 竝 白火 息 心 忘 水 林水

顛 古 夫 公 川 泉 轟似 永 辰匹 谷 欠陵

雨 雲 魚 魚牛 燕 龍 飛 非 孔進 乙於

不 至 鹵 鹵 鹽以 戶 門 耳 匠戈 手

率 女 母 民 小於 厂以 氏 丘 戈

戊 我 丁胆 琴 謹於 亾 匕胡 冫音 曲 笛九

瓦 弓 弱 弦 系 許狄 系 繁 絲 率 虫

虫古 蟲直 風 它託 龜 龜莫 卵力 二 土 垚消

藎 里 田 昌居 黃 助 力 荔胡 金 干研

几 勺 且 斤 斗 矛莫 車 巨 雷浮 昌似

山力 四 宁大 歿知 亞乙 駕 五 六 七 九 均女

巽又火甲

乙

丙

丁 戊

己 巳

庚古辛

辛兔皮壬

癸

子

了

孛孛六

丑 寅

卯絞茅辰

巳

午

未 申

酉 戌

亥

咸平二年六月十五日建

昔秦相李斯變蒼頡史籀之文謂之小篆其尊奉勒方圓之狀則曲盡其妙然於點畫簡爲之時以法令滋章簿書委積故程邈又省小篆爲隸蓋趨便捷之用也是以篆籀之法鮮爲世珍至炎漢中興復置小學許叔重乃集籀篆古文數家之學以隸書訓釋爲說文三十卷學者從之自漢而下無稽之作迭相馳競故六書之法蕩而無守焉至唐則李監陽冰力扶壞

本下筆反古有若神授時好事者獲其真蹟積器而藏之謂之墨寶則懸黎夜光比之瓊瓠焉自陽冰之後篆書之法世絕人工唯汾陽郭忠恕共余繼李監之美於夏之日冬之夜未嘗不揮毫染素乃至千百幅反正無下筆之所方可捨諸及手肘胼胝了無倦色考三代之文窮六書之法俱落筆無滯從橫得宜大者縮其勢而漏其白小者勻其勢而引其畫伸而無倚橈而無折其鳥獸艸木之象山川蟲魚之形者如飛走動植於竹帛之上矣蓋言象形字也今依刊定說文重書偏旁字源目錄五百四十部貞石於長安故都文宣王廟使千載之後知余振古風明籀篆

引上學者取法於茲也夢英自序

汾陽郭忠恕致書荅英公大師紫塞雲高皇朝路遠  
每捧報瑤之翰如窺連壁之姿忠恕自落朝班累承  
詔命已得林泉之味堅辭名利之場鶴髮半生猿心  
久死與師登蘭敷誼香火修因飛杯容許於醉狂結  
社不嫌於心亂共得陽冰筆法同傳史籀書蹤常痛  
屋壁遺文汲塚舊簡年代浸遠謬誤滋多賴與吾師  
同心正古近覽真翰轉見工夫藏勢過鋒方上圓下  
可以萬古教人也晉宋而下通篆籀者寡唯碑碣印  
記時用數字傳授者未克研精何妨檢討盜聽者恥  
於好問加之穿鑿齋中序云小篆散而八分生八分

破而隸書出隸書悖而行書弊行書狂而艸書聖自隸以下吾不欲觀之矣見寄偏旁五百三十九字按說文字源唯有五百四十部了字合収在子部今日錄妄有更改之又集解中誤収去部在注中今點檢偏旁少晶蕊至龜弦五字故知林氏虛誕誤於後進者小說見宜焚之聊以親書達心俟以萬劫發願何人知之英公知之不宣遷客郭忠恕書達英公大師座前十二月二十五日

太原郡元守全立 瑯邪郡王審亮同 武威郡安懷玉勾當建立 推忠宣力翊戴功臣建武軍節度觀察留後知永興軍府事兼都提轄永興軍華耀軋

商兵甲捉賊公事光祿大夫檢校太傅兼御史大夫  
上柱國彭城郡開國公食邑四千五百戶食實封七  
百戶劉知信 推誠宣力翊戴功臣鎮寧軍節度澶  
州管内觀察處置河堤等使金紫光祿大夫檢校太  
傅使持節澶州諸軍事行澶州刺史兼御史大夫知  
涇州軍州事兼管界都巡檢使上柱國平陽郡開國  
公食邑四千二百戶食實封一千戶柴禹錫  
右偏旁字源宋僧夢英書吾子行云此五百四十  
字即史籀大篆十五篇是爲文字之祖孳乳繁多  
實從此出學者所急宜究心者  
立一爲端畢終于亥亦但就前後起結處言之至



于中間諸部似亦各以類從非必有一定次第也  
至徐楚金作繫傳乃言其逐字相生之原雖大旨  
可通然不無牽合且說文建首原自有可疑者故  
後人多所更易予亦欲仿戴旼書故之法別爲論  
次蓄之于心未敢輕就且亦卒卒無暇也但歲月  
易邁疾病轉增使一知半解漸就湮沒則又徒抱  
筆長歎耳



宋王母宮頌 天聖三年

宋重修涇州回山王母宮頌 并序

翰林學士承旨刑部尚書知制誥陶穀文

祭灋曰灋施於人則祀之辯方之爲灋灋制也不夫大哉神有所職足呂垂訓者孰可闕焉按爾雅觚竹北戶西王母。謂之四荒王母事蹟其來久矣名載方篇理非語怪西周受命之四世有君曰王滿高國五十載棄八馬宴瑤。之觴乃歌王竹西溪受命之四世有君曰帝徹高國夫五十載期七夕會王母之駕遂薦僊桃降甘泉周穆之。濯馬潼飲鵠血踐巨蒐之國乃升弁山故汲冢有穆天子

傳漢武之祀靈境也禋雝時系朝邢立飛廉之館

望○○○樂章有上之回曲烏虜湘靈鼓瑟虞舜二

妃也黃姑有星天河織女也或楚詞所傳或舜咸所

記猶能編禋典○○○鼓豆邁豫四時之高犧牲

玉帛陪百神之祭豈若王母為九光聖媛統三清止

真佩分景之玉劔納太瓊之○鳥○○○教呂節樂

九色辯慶而在馭嘯詠則海神鼓舞指顧則蚩靈吞

壺輔五帝於金闕校三官於絳河位冠○○○流○

○○○回中有王母之廟非不經也奉禋寢遼棟宇陸

壞壇啟杏朽蔽荆棘於荒庭井廢禽止噪鳥薦於古

堞物不終○○○人太師清河公受祿建牙三臨

安定軍功政事紀在旂常是邦也壓涇水之上游控  
西戎之又陞土宜未麥俗○○○○之有道則風能  
偃艸馭之非理則水可覆舟中權失政不可一旦而  
處強三鎮乎歲戊辰春二月公介圭入覲○○○○  
天子設庭燎呂延之奏禘夏呂寵之臨軒絕席呂  
綏褒大輅毓纓而錫命禮成三接詔還舊鎮公既  
旋所理來謁靈廟齊莊有感肝蟹如荅申命王者勾  
工繕修雜蔓艸於庭除封植嘉樹易頽○○○○  
構宏材因青盡飾於天姿黼藻增嚴於羽帳雲生畫  
棟如簷西土之遙水閱長川若訝東溟之淺容衛既  
肅○○○○頌玉女投壺望明壘於太華瑤姬感夢灑

莫雨於陽臺合徵幼婦之詞廢盡上真之美穀也學  
非博古材不○○○○冠於詞臣叙事敢踰於寶  
錄久直金鑾之殿眎艸無功強窺朱雀之窻媮祗知  
愧謹為頌曰

崑崙之虛奄茲之下戴勝蓬髮虎豹為伍是邪非邪  
怪哉王母月臺命駕七夕為期雲鞞鳳輦佩光輝  
倩兮○○○○儂姿宅元都兮如彼降瀛宮兮若是  
奚靈聖之多端駭變化之神異考山經與竹書故兩  
畱於苒事山之顛兮水○○○玉學兮薦金嶽白雲  
零落歸何處黃竹摧殘無一枝撫弁山之舊石紀涇  
水之儂祠

天聖三年大歲乙丑三月十五日尚書度支員外郎  
知軍州事上柱國上官佖重書

右宋涇州回山王母宮碑陶穀文上官佖書穀文  
作于戊辰戊辰者太祖開寶元年也閱天聖乙丑  
凡五十八年佖始重書入石意必先自有碑此再  
立爾清河公不知爲何許人佖于宋無書名而篆  
法敦古足與郭恕先僧夢英抗衡王母事蹟雖禰  
見于爾雅列子及穆天子傳山海經諸書言多荒  
唐難以徵信即據諸書所紀詳其言貌殆亦要荒  
一君長耳不必定爲婦人也後人因王母之名而  
傳會之如漢武外傳所記益荒誕不經及廟而祀

之明粧靚服殆欲與碧霞斗姦鼎足稱尊當足發  
攷古者之一粲也



宋東海鬱林觀石刻 慶曆四年

清原王公衮君章武功蘇唐卿致堯范陽祖無擇擇  
之  
起驚濤放溟渤披宿莽履巉岵惕盤石解先服挹飛  
泉醒心骨揮高論謝俗物思古人自終日足飲酣清  
思逸即錫辟試奇筆千萬年蒼蘚沒後有人爲吾拂  
宋慶曆甲申歲秋七月辛卯朔擇之文致堯筆君章  
刻

右宋東海鬱林觀刻石爲三言詩一首二十句祖  
擇之篆蘇唐卿篆書王君章磨崖刻之在開元七  
年崔逸東壁記之側歲月久遠苔蘚侵蝕人莫能

識且巖石高險難于椎拓故世遂絕少傳本子廣  
搜古今墨搨乘二十年宗人麗南始以告予郁州  
僻在海壖非宦遊孔道故博雅好古之士皆不得  
一躡躡其地而居其旁者多樵夫牧豎縱日過其  
下又漫不省爲何物故三君之名雖與山石竝永  
然雨淋日炙蓬堞蔽翳亦幾與未嘗鐫勒者等予  
既獲見之亟錄一通編入古今篆刻之次雖未必  
能如昌黎之于岫嶽石鼓歐陽子之于庶子泉銘  
一經揚扝弈世不泯倘得藉三公之靈使予之集  
綴賴以不朽或亦終不至湮沒失傳耳

宋二體石經殘碑

右宋二體石經凡五碑周易尚書文也周易二碑存升困革鼎未濟五卦及繫辭前七章尚書三碑存牧誓武成洪範旅獒金縢康誥酒誥之文書具篆隸二體中多殘缺不完往嘗見四十冊于吳門薄自崑許乃尚書周禮禮記孟子文今又得此五碑意此碑之存于今者其數尚不止此而收藏家徃徃無之亭林石經考亦不言今時尚有傳本趙子函石墨鐫華于金元人書皆經收錄而獨遺此碑賈頰印榜爲予言此石現在開封府學彼親至碑下搆以遺予者惜乎不得見其全也

石經考曰宋仁宗命國子監取易詩書周禮禮記春秋孝經爲篆隸二體刻石兩楹下至和二年三月五日判國子監王洙言國子監刊立石經至今一十五年止孝經刊畢尚書論語現書鐫未就乞促近限畢工餘經權罷從之如洙言是石經在宋刻成者但止三經然以今時所存者言之則周易周禮禮記孟子俱有不止孝經尚書論語也周公謹癸辛禱識云汴學即昔時太學舊址九經石板堆積如山一行篆字一行真字若刊成者止于三經則石板何由如是之多又書目明載石經七十五卷楊南仲書周易十書十三詩二十春秋十二

禮記二十則當日諸經皆已畢功而至和以後亦未嘗罷刻也

嘉祐三年五月十五日王洙薦大理丞楊南仲石經有勞賜出身六年二月二日國子監言草澤章友直篆石經畢詔補試將作監主簿友直不願仕賜以銀絹五月以同篆石經殿中丞張次立與堂除當時書經者應不止此三人此特見于宋史可攷者耳書亦工拙不一尚書明作哲此書作晰晰哲同音義亦相近至孟子非挾大山以超北海書超為起則誤矣

唐開成石經及劉三吾書傳會選皆作哲會選云

皙之列反字與晰同下當從口從口非

宋李樂道書昌黎五箴

宣和六年

五箴

并叙

昌黎韓愈

人患不知其過既知之不能改無勛也余生三十有八季髮之短者日益白齒之搖者日益脫聰明不及於苒時道德日負於初心其不至於君子而卒爲小人也昭昭矣作五箴以訟其惡云

游箴

亏少之時將求其多能晁夜以孜孜古今之時飽而僖昂夜以無爲嗚呼余乎其無知乎君子之棄而小人之歸乎

言箴

不知言之人烏可與言知言之人默焉而其意以傳  
幕中之辯人反以汝爲叛臺中之評人反以汝爲傾  
汝不懲邪而啾啾以害其生邪

行箴

行與義乖言與法違後雖無害汝可以悔行也無邪  
言也無頗歟而不歟汝悔而何宜悔而休汝惡曷瘳  
宜休而悔汝善安在悔不可止悔不可爲息而斯得  
汝則弗息

好惡箴

無諄而好不觀其道無諄而惡不詳其故善之所好  
今見其尤从也爲比捨也爲讎毒之所惡今見其臧



从也為媿捨也為狂維讎維比維狂維媿於身不祥於德不義不祥維害之大幾如是為而不顧怵齒之尚少庸有不息今其老矣不慎胡為

知名箴

內不足者急於人知怵焉有餘厥聞四馳今日告汝知名之濫勿病無聞病其曠曠管者子路惟恐有聞歟然千載德譽愈尊矜汝文章負汝言語樂人不能掩以自取汝非其父汝非其師不請而教誰云不欺欺以賈憎掩以媒怨汝不曾悟以及於鸛小人杜辱矣克知悔及其既寧終莫能誠既出汝心又銘汝身汝知不顧辱則宜焚

大宋嘉祐八年春二月朔吉狄道李宗書 宣味六  
季式月既望男玠摹上石 姚彥刻

右昌黎五箴書之者爲狄道李宗山谷跋是書作  
李康年又有李康年篆書心經跋云江夏李康年  
字樂道是宗一名康年而樂道其字也東坡亦云  
江夏李康年博學好名小篆尤精二公精于書法  
自應不爽但此書似于肉勝畧無清健瘦硬之氣  
乃山谷云樂道白首心醉六經所著書章程句斷  
不類今時書生晚悟篆籀下筆自可意直木曲鐵  
得之自然秦丞相斯李少監陽冰不知去樂道遠  
近也得無張之太過

金石存卷六

隸一

鈍根老人編 綿州李調元雨村校

漢北海相景君碑

碑陰

漢魯相置孔廟卒史碑

漢孔謙謁

漢魯相韓勅孔廟碑

碑陰并兩碑

漢郎中鄭固碑

漢蒼頡廟碑并碑陰兩側



漢景君碑 漢安二年

漢故益州大守北海相景君銘

惟漢安二年仲秋□□故北海相任城景府君卒歎  
歎哀哉□□□寶英彥失疇列宿虧精晚學後時于  
何穹倉布命授期有生有死天寔爲之豈夫仁哲攸  
勉不遺於是故吏諸生相與論曰上世羣后莫不流  
光□於無窮雲芬耀於書篇身歿而行明體亾而名  
存或著形像於列圖或設頌於管弦後來詠其烈竹  
帛叙其勲乃作誄曰伏惟

明府受質自天孝弟淵懿卽禮蹈仁根道核藝抱淑  
守真晶白清方勉已治身寔深寔剛乃武乃文遵孝

孝謁假階司震流德元城興利惠民強衙改節微弱  
蒙恩威立澤宣化行如神帝嘉厥功授呂符命守郡  
益州路遐孿親躬作遜讓夙宵朝廷建莖忠謹辨秩  
東衍爾重追嘉錫據北海相韶城十九邦躬歸向分明  
好息先呂敬讓殘偽易心輕黠踰竟烏梟不鳴分子  
還養元二鰥寡蒙祐呂寧蓄道脩息□社呂榮紛紛  
令儀明府體之仁義道術明府膺之黃朱詔父明府  
三之台輔之任明府宜之呂疾被徵委位致仕民□  
思慕遠近搔首農夫驛未商人空市隨舉飲淚奈何  
朝廷奪我慈父去官未旬病乃困危珪辭之質臨卒  
不回歎□竇絕奄忽不□孝于慙憊顛倒剝摧遂不

勉寤永潛長歸州里鄉黨隕涕哀故吏切怛歎歎  
侄徇四海冠蓋驚慟傷裏大命□期寔惟天□明主  
設位明府不就臣子欲養明府弗留歎歎哀哉  
鬲曰孝積幽安□□□□□□□□□□翔議昭兮再命  
帝將綏元二兮親莖架謨主心信兮羽衛藩屏撫萬  
民兮□□□□□恩□□□宜叅鼎輔留翰禎兮不永  
糜壽彝臣子兮仁敷海外著甘棠兮□石勒銘□不  
忘兮

右漢北海相景君碑篆額二行今在濟寧州儒學  
歐陽公作集古錄時已云漶漫多不成文今又去  
公五六百年其殘缺抑又甚矣然細加看詳尚亦

可讀其不可識者數十字耳王元美曰益州部當  
言刺史不當言太守額曰銘辭曰誄亦屬未妥予  
按漢人碑版多不可曉如孔彪已自博陵太守遷  
河東太守而碑額尚題漢故博陵太守孔君碑魯  
峻自司隸校尉遭母憂服竟拜屯騎校尉而碑額  
亦題漢故司隸校尉校官碑前有誄曰後又有敘  
曰與此碑額曰銘辭曰誄皆莫詳其故不知潘昂  
霄金石例于此云何也



漢北海相景君碑陰

故中部督都昌羽忠字定公 故門下督盜賊劉

騰頌字對遠 故門下議史平昌蔡規字中舉 故

門下書佐營陵孫榮字一榮 故門下書佐淳于逢

訢字□成 故騎吏劉替麟字敬石 故吏朱靈孫

徵字武之 故吏榮陵薛逸字佰踰 故吏營陵房

鴻字中□ 故吏都昌呂福字孟□ 故吏都昌張

暘字元暘 故書佐都昌羽質字孟 故書佐朱

靈鞠欣字君大 故書佐平壽淳于闔字久宗 故

書佐營陵徐曾字曾莘 故書佐都昌張彤字翔甫

故書佐淳于孫悝字元卓 故書佐營陵鍾顯字

槐寶 以上第一列

行義劄張放字公輔 故書佐劄乘禹字百度 故

書佐東安平閻廣字廣宗 故書佐劄紀政字世堅

故書佐淳于孫晷字威光 故循行都昌台北暹

字世德 故循行都昌董芳字季芳 故循行營陵

苗峯字漢興 故循行都昌莫遷字漢久 故循行

營陵是盛字護宗 故循行營陵 暹字武平 故

循行營陵臨照字景耀 故循行都昌張駿字臺卿

故循行營陵淳于登字登成 故循行營陵顏理

字仲理 故循行營陵水北邵字君石 故循行都

昌呂興字世興 故循行都昌逢進字世安

以上第二列

行三年服者八十二人

故書佐劔徐德字漢昌

故書佐劔姚進字元豪

故書佐劔郟鍾字元鍾

故書佐都昌張翼字元翼

故脩行都昌張耽字季遠

故脩行劔中字字季

遠

故脩行平壽徐允字伯允

故脩行淳于趙尚

字上卿

故脩行都昌段音字古節

故脩行都昌

齊晏字本子

故午營陵是遷字古達

故午營陵

笛敏字元成

故午淳于董純字元祖

故午營陵

縹良字古騰

故午朱靈昊詩字孟道

故午都昌

台北遷字孟堅

故小史都昌齊冰字文達

史都昌張亮字元亮

以上第三列

豎建帟□惟故臣吏慎終追遠諫閣沈思守衛墳園  
□綱禮備陵成宇立樹列既就聖典有制三載□□  
當離墓側永懷□□□不□勝呂義割志乃著遺辭  
呂明厥意視 瑕顯降岳嘉祐

右漢北海相景君碑陰凡三列共五十四人後有  
韻語一十八句中一行云行三年服者八十二人  
聖人制禮過不及皆非所宜三年之喪惟父母用  
之下此以漸而殺無敢紊焉顧漢人制服多有相  
反者元初間始聽大臣及二千石行三年喪至建  
光元年復禁不許肅宗時越騎校尉桓都以母憂  
乞身詔公卿議皆以郁身為名儒學者之宗可許

之詔聽以侍中行服後其子焉為太子太傅以母  
憂自乞聽以大夫行喪是三年之喪固不得盡人  
行之矣而繁陽令楊君則以叔父薨去官荊州刺  
史度尚以從父憂去官郟陽令曹全以同產弟憂  
去官則又何也且更可異者三年之喪在位卿大  
夫不得致之于親而故吏故民又往往用之于其  
長如此碑云行三年服者八十二人費鳳之故吏  
戚忠纒麻扶杖魏元丕之故吏屐較等不遠萬里  
斷制纒裳高頤之臣吏藜庶纒經墳側其越禮過  
情有如此者雖云漢世近古風俗猶厚然不違于  
聖人之道矣



漢魯相置孔廟卒史碑 永興元年

司徒臣雒司徒臣戎稽首言魯前相瑛書言詔書崇  
聖道勉六藝孔子作春經制孝經□□五經演易繫  
辭經緯天地幽讚神明故特立廟褒成侯四時來祠  
事已即去廟有禮器無常人掌領請置百石卒史一  
人典主守廟春秋饗禮財出王家錢給大酒直須報  
謹問太常祠曹掾馮牟史郭元辭對故事辟雍禮未  
行祠先聖師侍祠者孔子子孫大宰大祝令各一人  
皆備爵大常丞臨祠河南尹給牛羊豕雞□□各一  
大司農給米祠臣愚以為如瑛言孔子大聖則象乾  
此為漢制世先世所尊祠用衆牲長吏備□□欲加

寵子孫敬恭明祀傳于罔極可許臣請魯相為孔子廟置百石卒史二人掌領禮器出王家錢給大酒直他如故事臣雄臣戎愚慙誠惶誠恐頓首頓首死罪死罪臣稽首以聞

制曰可

司徒公河南□□□□字季高

元嘉三年三月廿七日王寅奏雒陽宮 司空公蜀

郡成都□□字意伯

元嘉三年三月丙子朔廿七日壬寅司徒雄司徒戎下魯相承書從事下當用者選其年卅以上經通一藝雜試通利能奉宏先聖之禮為宗所歸者如詔書書到言



永興元丰六月甲辰朔十八日辛酉魯相平行長吏  
事卞守長擅叩頭死罪敢言之

司徒司空府壬寅詔書為孔子廟置百石卒史一人  
掌主禮器選年卅以上經通一藝雜試能奉宏先聖  
之禮為宗所歸者平叩頭叩頭死罪死罪謹案文書  
守文學掾魯孔鮒師孔憲戶曹史孔覽等雜試鮒脩  
春秋嚴氏經通高第事親至孝能奉先聖之禮為宗  
所歸除鮒補名狀如牒平叩頭死罪死罪上

司空府

讚曰魏魏大聖扶扶彌章相レ瑛字少卿平原高堂  
人令鮑疊字文公尚黨毛留人政敦稽古若重規□

乙君察舉守宅除吏孔子十九世孫麟廣請置百石  
卒吏一人鮑君造作百石吏舍功無无窮於是始□  
右漢魯相置孔廟卒史碑文字完好辭理簡暢尤  
漢碑中之不易得者闕里志及山東通志并載此  
碑前後無一缺字五經上是刪述二字備下是爵  
今二字規下是矩字雞下二字并末句四字皆削  
去不存恐是以臆見增減非有所據也

百石卒史字碑凡四見皆明白無誤朱竹垞曰按  
漢書儒林傳郡國置五經百石卒史臣瓚以為卒  
史秩百石者劉昭注續漢書百官志引應劭漢書  
儀河南尹百石卒史二百五十八黃霸傳補左馮

翊二百石卒史蓋秩有不同故舉石之多寡別之  
今本杜佑通典乃譌爲百戶吏卒予按三國志譌  
與通典同水經注譌爲百夫吏卒山東通志闕里  
志譌爲百戶卒史皆莫之正又康熙甲子 聖祖  
仁皇帝幸闕里謁廟畢首問漢碑所在時孔東塘  
尚任以明經爲講書官引 上由奎文閣至同文  
門觀門右漢碑尚任奏曰此漢元嘉三年魯相乙  
瑛置卒史碑今謂之百戶碑 上問何爲百戶碑  
尚任對曰歷代優崇之典廟廷設官四員典籍以  
掌禮儀司樂以典樂舞管句以掌屯田百戶以衛  
林廟謂之禮樂兵農四司觀此知魯人亦譌以爲

百戶也豈獨書籍傳寫之謬哉

漢孔德讓碣

□□字德讓□宣尼公廿世孫都尉君之子也幼  
□□□□□□□□□□□□□□□□  
晉秋經升堂講□深究聖指□□□□□□  
季廿四永興三季七月遭疾不祿□□任歷郡諸曹史

右漢孔德讓碣其名久已磨滅洪丞相攷孔氏譜  
知其名謙蓋宙之子而褒與融之兄弟行也因其  
早卒名位不著故無可書隸續碑圖云碣甚小一  
穿微偏有暈一重起于穿中復有兩暈在右其一  
甚短與他碑小異文八行行十字後餘兩行



漢魯相韓勅孔子廟碑 永壽二年

惟永壽二年青龍左涖歎霜月之靈皇極之日魯相  
河南京韓君追惟太古華胥生皇雄顏□育□寶俱  
制元道百王不改孔子近聖為漢定道自天王以下  
至于初學莫不駭思嘆叩師鏡顏氏聖甥家居魯親  
里并官聖妃在安樂里聖族之親禮所宜異復顏氏  
并官氏邑中繇發以尊孔心念聖歷世禮樂陵遲秦  
項作亂不尊圖書倍道畔德離敗聖輿食糧止于沙  
止君於是造立禮器樂之音符鍾磬瑟鼓雷洗觴觚  
爵鹿祖桓遵板禁壺循飾宅廟更作二輿朝車威熹  
宣杼元汙及注水深法舊不煩備而不奢上合紫臺

稽之中和下合聖制事得禮儀於是四方土仁聞君  
風耀敬吼具德尊琦大人之意遠彊之思乃共立表  
石紀傳億載其文曰

皇哉統華胄承天畫卦顏育空樂孔制元孝俱祖紫  
宮太一旣授前闔九頭以斤言教後制百王獲麟來  
吐制不空作承天之語乾元以來三九之載八皇三  
代至孔乃備聖人不世期五百載三陽吐圖二陰出  
讖制作之義以俟知奧於穆韓君獨見天意復聖二  
族連越絕思循造禮樂胡輦器用存古舊宇慤勲宅  
廟朝車威熹出誠造更溱不水解工不爭賈溱除元  
汙水通□注禮器升堂天

姓訢和舉國蒙



慶神靈祐誠竭敬之報天與厥福永享年壽上極華  
紫旁伎皇代刊石表銘與乾運燿長期蕩蕩於盛復  
授赫赫罔窮聲垂億載

韓明府名勅字尉節故涿郡太守魯庶次公五千故  
從事魯張嵩眇高五百潁川長社王元君真二百故  
會稽太守魯傅世起千相主薄薛陶元方三百河東  
大陽西門儉元節二百故樂安相魯庶季公千相史  
魯周乾伯德三百

右漢魯相韓勅孔子廟碑其間太一紫宮吐圖出  
讖等語殊為難解大致以尊孔子而并加恩于顏  
氏并官氏因修禮器而并飾宅廟除元汙故立石

以紀其功天下碑錄題為魯相復顏氏繇發碑集古錄隸釋題為魯相修孔廟禮器碑皆得其一而遺其一不若金石錄但目為韓明府孔子廟碑之為該也郭允伯以此碑為漢隸第一品近恭壽先生亦極讚是碑之妙手臨數過題跋註釋備極詳盡亦自來輯錄漢隸者所未有也

家語孔子娶于宋并官氏萬姓統譜引先賢傳孔子娶并官氏并讀去聲皆與此碑同今闕里志誤作并俗讀如稽蓋形聲并誤矣乃或者不考反以作并者為非謬甚

碑云爵鹿祖桓金石錄云所謂鹿者禮圖不載莫

詳爲何器近見陳氏所藏古彝爲伏鹿之形近歲  
青州獲一器亦全爲鹿形疑所謂鹿者亦因其形  
而名之耳按儀禮鄉射禮鹿中髻前足跪投壺禮  
主人奉矢司射奉中註云士鹿中大夫兕中刻木  
如兕鹿而伏背上立圜圈以盛算也碑所謂鹿蓋  
此非鼎彝之屬趙氏未及詳考也趙氏云字書喜  
陳樂也非器名不可解按趙氏誤引說文豈字之  
訓說文豈陳樂立而上見也從中從豆中句切碑  
字作壺與豈迥別隸釋以爲與上下文符觥與汗  
協韻當是壺字足祛德甫之惑  
出誠造更更字石本半晦華澱山云當是夏字今

按石刻上截雖不甚清下截正作兩擊不似夏字  
作父也此句蓋言出誠心以更造禮器故下文云  
漆不水解工不爭賈若作夏字義亦難通  
水通□注中關一字恭壽先生據陳古白舊搨本  
謂是國字今細驗之信然

漢韓勅碑陰

西成侯王嵩二百 遺西陽樂張晉仲堅二百 穎  
川長社王季孟三百 故督都魯趙輝彥臺二百  
河南成掣蘇漢明二百其人處土 汝南宋公國陳  
漢方二百 郎中魯孔宙季將千 河南維陽种亮  
奉高五百 山陽平平陽陳漢甫二百 御史魯孔  
翊元世千 故兗州從事任城呂育季華三千 任  
城番君舉二百 大尉掾魯孔凱仲弟千 故下邳  
令東平陸王裒文博千 任城王子松二百 魯孔  
曜仲睢二百 魯孔儀甫二百 故穎陽令文陽鮑  
宮元威千 任城謝伯威二百 處上魯孔方庶□

千河南雒陽李申伯百 任城高伯世二百 魯  
孔巡伯男二百 文陽蔣元道二百 趙國邯戰宋  
瑱元世二百 相主薄薛曾訪濟興三百 魯孔憲  
仲則百 文陽王逸文豫二百 彭城廣德姜尋子  
長二百 相中賊史薛虞韶興公二百 尚書侍郎  
魯孔魁元上三千 平原樂陵朱恭敬公二百 薛  
弓奉高二百魯孔汎漢光二百 南陽宛張光仲  
孝二百 平原濕陰馬瑤元真二百 相史卞呂松  
□遠百 守廟百石魯孔恢聖丈千 彭城龔治世  
平二百 驢韋仲卿二百 褒成侯魯孔建壽千  
河南雒陽王敬子慎二百 泰山鮑舟漢公二百

處士魯劉靜子著千 故從事魯孔樹君德千 京

兆劉安初二百 故薛令河內盜朱熊伯珍五百

故從事魯王陵少初二百 魯孔朝升高二百 魯

石子重二百下邳周宣光二百 故豫州從事蕃

加進子高千 故督邾魯升輝景高二百 行義椽

魯弓如封都二百河閒東州齊伯宣二百 魯曹

攄初孫二百 魯劉仲□二百 北海劉表隆展世

百 陳國苦盧崇伯宗二百魯魯劉元達二百 魯

夏侯廬頭二百 魯周房伯臺百

韓勅碑兩側

東海傅河東臨汾敬謹字季松千 右尉□□□道

唐安季興五百 相守史薛左芳伯道二百 魯孔  
建壽二百 時令漢中南鄭趙宣字子睢 司徒掾  
魯巢壽文后三百 相行義史文陽公百輝世平百  
故丞魏令河南京丁璫封舉五百 河南醫師庾  
徵漢賢二百 魯傅充子豫二百 任城庖父治真  
百 左尉北海劉趙福字仁直五百 南陽平氏王  
自 尤二百 魯孫 三百 魯孔昭封祖百 六  
廬城子二百  
山陽瑕丘九百元臺三百 魯徐伯賢二百 河東  
臨汾敬信子直千 泰山鉅平韋仲元二百 蕃王  
狼子二百 齊國廣張建平二百其人處上 魯劉



聖長二百 河南雒陽左對寔二百 泰山費淳于  
隨季遺二百 上黨長子楊萬子三百 河南匡師  
冒鄰通國三百 東郡武陽董元厚二百 故安德  
戾相彭城劉霽伯存五百 處土魯孔徵子舉二百  
河南平陰樊文高二百 東郡武陽桓仲豫二百  
故平陵令魯庶恢元世五百  
右韓勅碑陰并兩側人名碑陰凡六十二人兩側  
共三十三人隸釋有碑陰無兩側所錄本無遺脫  
金薤琳琅取前碑末八人并兩側人名皆入之碑  
陰自詫所得較隸釋多三十八人因以譏洪氏之  
誤不知都公所據舊榻本蓋已裝池成冊者故無

從分別觀之若親至碑下或取原搨全本相較則瞭然矣

兩側前第六人云相行義史文陽公百輝世平百恭壽先生跋云文陽公爲一人輝世平爲一人當是姓文名陽公或字陽公者非公侯之公也輝世平不著郡望當與文陽公同里并同官者故即繫文陽公下予按此說非也漢書地理志後漢書郡國志汶陽屬魯國史晨後碑有文陽馬琮隸釋云以文陽爲汶陽此碑之陰書文陽者凡三人皆汶陽也此人亦隸籍汶陽公百其姓輝其名世平其字百乃所出泉數耳古複姓有公伯氏魯論有公

伯寮伯與百蓋通用也若以文陽爲一人輝世平爲一人既與前後書法不類況文陽公既無郡望輝世平之郡望又何從知且姓氏書亦無輝姓也兩側後第一人云山陽瑕北九百元臺三百先生跋云瑕北乃地名非人名按范史屬山陽郡元臺亦當是山陽所屬之地以非邑故范史不載耳此兩地泉少人多不能不書又不能悉書故總而記之曰瑕北九百元臺三百也予按此說亦誤元臺之爲地名既無可考且他碑陰亦從未有合一邑所出泉數而總記之者蓋九百非泉數亦人姓名也列子有九方臯唐有九嘉宋有九真明有九焯

九姓歷歷可數元臺則其字也先生于此碑并陰  
及兩陰攷訂極詳此其小誤予特表而出之

漢郎中鄭固碑 延熹元年

漢故郎中鄭君之碑 篆額

君諱固字伯堅著君元子也含中和之澍質

至行立乎鄉黨初受業於歐

陽遂窮究典籍

矜仕郡吏諸曹掾史主簿督郵五官掾功曹

衛上清君自脩犯顏蹇愕造膝俛

加成

之邦后珍瑋君為儲舉先屈計掾奉我

聖心延熹元年二月十九日詔拜

中非其從其本規乃

溝凶愍年卅二其遭命□□□□□□□□□□  
□□□□□男孟子有揚烏之才善性形於岐□□見  
□□壘□□□□□□□□□□所共哀也故建□共  
墳配食斯壇呂慰孝妣之心□□□□□□□□□□  
鍾鼎奚銘昔姪□□武弟述其兄綜□□□□□行□  
□□□□□□□□□□呂旌遺芳其辭曰  
於惟卽中寔天生惡頌親誨弟史恭□□毅□□□  
□□□□□□□□□□古模式從政事上忠呂自勛  
貢計王庭革夏歸服□□□□□□□□□□雅意  
色斯自得乃遭氛災隕命顛沛家共所怙國□□□  
□□□□□□□□□□告嗟嗟孟子苗而弗毓奉我元兄

儲孝固極魂□□□□□□□□

右漢郎中鄭固碑今在濟寧州儒學只存十段十  
七八字下段磨滅或十字或十一二字不等如洪  
趙諸公所辨遂遁之類已不存矣金石文字記云  
此碑書妣作安與費鳳碑同今此碑妣字尚存并  
不作安或亭林誤記他碑之字也劉太乙續金石  
錄云弱冠仕郡諮曹掾史歐本作諸今本諸字雖  
少漶漫然筆畫具在亦不作諮揚升菴云子雲本  
姓揚從手不從木碑云有揚烏之才謂童烏也字  
正從手升菴之言信爲有徵劉跋概書作揚誤矣  
又碑云頤親愛弟頤字作頤變臣爲正此與前姬

字作姪同比皆隸變也劉作順親亦非



漢倉頡廟碑並碑陰兩側

五年

□令朔方臨戎孫羨□□□□□□從事永壽元  
丰朔方太守上郡仇君瓘孝除郎中太原陽曲長延  
熹四年九月乙酉詔書遷御令五年正月到官奉見  
□明府立祠刊石表章大聖之遺靈以示來世之末  
生□出錢千□□者下行自紀姓名

郡守丞臨晉張疇字元德五百守左尉萬丰長沙爰  
字君平五百

衙縣三老上官鳳季方三百 御鄉三老時勤伯田

三百 御主記掾揚綬子長三百 御門下功曹裴

薦伯安三百 御門下游徽許愔功上三百 御門

下賊曹□□□□□□□

功曹史上官□□□□□ 錄事史楊禽孟布三百

集事掾任鮐□□□□百 故功曹郭□□□□百

□□□□□□□□□□三百

軍假司馬御缺下從掾位御缺下從掾□御張缺下故文學

掾御缺下故文學掾缺下

議曹史蓮勺楊□三千 功曹書佐頻陽□千

□史蓮勺任叟六百 □史高陵□□六百 □史

臨晉干□六百 □史高陵張順六百

高陵左鄉有缺下萬丰左鄉有秩游督千 萬丰左鄉

有秩畢□千五百 蓮勺左鄉有秩杜衡千五百

池陽左鄉有秩何博千五百

夏陽

缺夏陽

候長馬琪

缺粟邑

候長何憚

缺

右漢蒼頡廟碑並碑陰兩側共四紙前碑及陰漫滅已甚惟乃諏訪國老及蒼頡天生德于大聖四目靈光為百王作憲及乃作頌曰數句可讀頌後又有劉明府字其他字畫時有存者然皆不成文理碑陰有五官掾高陵守故督盜賊等字蓋亦掾屬題名然姓名無一存者故皆不可著錄惟兩側字尚多明白可讀其一畧云朔方臨戎孫羨以永壽二年為朔方大守侃君察孝除即為太原陽曲長延熹四年遷御令五年到官奉見劉碑字止存

碑證之當 明府立祠刊石表章大聖之遺靈以示  
是劉字來世後列郡守丞張疇左尉沙爰二人名下有題  
名三列可見者一十五人有御縣三老御鄉三老  
主記掾史門下功曹門下游徼門下賊曹功曹史  
錄事史軍假司馬從位掾文學掾等名惟六人姓  
名全其一亦有題名三列姓名全者七人餘皆殘  
缺不完有議曹史功曹書佐高陵左鄉有秩萬年  
左鄉有秩蓮勺左鄉有秩池陽左鄉有秩夏陽候  
長粟邑候長等名而集古錄所稱尚有池陽集丞  
有秩役祠候長則已亡矣蒼頡廟蓋在御縣此碑  
頌乃御令孫羨奉劉明府之令爲之而碑陰兩側

則備記孫全出仕始末及其掾屬所出錢數也此碑自歐趙而外他家皆所未見越今五六百年乃復爲人所推拓而予適得之碑字特小隸法頗精兩側字時有縱筆不及前碑之嚴整然其佳處亦饒有曹鄴陽碑陰風致但破碎零落他人不肯諦視故棄置至今耳予挾之行笈中渡河者二冬夜篝燈一一檢錄時漏下數十刻未休旁觀晚視漫不省爲何物其捉鼻感額者不知日凡幾輩也

集古錄有翔方太守碑陰及碑陰題名二跋即此碑兩側題字也歐陽公未得前碑故其稱名不無錯誤金石錄有蒼頡廟碑又有蒼頡廟人名所謂

人名亦即此碑兩側然又未嘗云有碑陰不知當  
宋時何以二公所得不全如此今予所有雖剥泐  
已甚然四紙皆具先後不紊舉似古人不覺色喜  
又集古錄以遷御令為御令以太原陽曲長天下  
為滅一字亦非

金石錄云考其歲月蓋熹平六年立今碑于年月  
字已無可見予但以兩側有延熹五年字遂列之  
為桓帝時刻

金石存卷七

隸二

鈍根老人編

綿州李調元雨村校

漢泰山都尉孔宙碑

碑陰

漢孔褒碑

漢西嶽華山廟碑

漢執金吾丞武榮碑

漢竹邑侯相張壽碑

漢衛尉卿衡方碑

漢魯相史晨孔子廟碑

史晨後碑

漢孝廉柳敏碑



漢泰山都尉孔宙碑 延熹六年

有漢泰山都尉孔君之銘

君諱宙字季將孔子十九世之孫也天姿醇嘏齊聖  
達道少習家訓治嚴氏春秋緝熙之業既就而閨闕  
之行允恭德音孔昭遂舉孝廉除郎中都昌長祗傳  
五教尊賢養老躬忠恕臥及人兼禹湯之臯已故能  
興朴□於彫幣濟宏功於易簡三載考績遷元城令  
是時東岱黔首猾夏不□□祠兵遺畔未寧乃擢君  
典式臥文脩之旬月之間莫不解甲服罪 樽  
田畷喜于荒圃商旅交乎險路會鹿鳴於樂崩復長  
幼於酬酢 稔會遭薦病告困致休薦從所好

季六十一延熹六年三月乙未

疾貴速朽之

反真慕寧儉之遺嗣窻夕不華明器不設凡百印高  
述於是故吏門人乃共陟名山采嘉石勒銘  
示後俾有彝式其辭曰

於顯我君懿德惟光紹聖佗儒身立名彰貢登玉室  
闡問是虔夙夜 在公明明乃綏二縣勅儀凱康

於六時靡擯茲岱方帥彼凶人覆彼 南敵孔饒

山有夷行豐丰多乘稱彼光觥帝賴其勲民斯是臬  
疾 乃委其榮忠告慤勤屢省乃聽恭儉自終

盍蓋不隲生播高譽殫衆令名永夫不刊菑載揚聲

延熹七年七月戊 造

右漢泰山都尉孔宙碑別有篆額而首行又題有漢泰山都尉孔君之銘十字與他碑體制微異文字雖有剝蝕然尚可讀祇傳五教者即尚書之敬敷五教也以祇易敬以傳作敷漢書文帝紀傳納以言宣帝紀傳奏其言師古曰傳讀爲敷



漢孔宙碑陰

門生故吏名

門生鉅鹿癭陶張雲字子平 門生鉅鹿癭陶趙政

字元政 門生鉅鹿廣宗捕巡字升臺 門生東平

寧陽章勳字幼昌 門生魏郡館陶張上字仲舉

門生魏郡館陶王時字子表 門生魏郡陰安張典

字少高 門生魏郡魏孟忠字待政 門生魏郡魏

李鎮字世君 門生魏郡館陶吳讓字子敬 門生

魏郡館陶文儉字元節 門生魏郡館陶睨瑱字仲

雅 門生魏郡鄴暴香字伯子 門生東郡東武陽

梁淵字元祖 門生東郡衛公國趙恭字和平 門

生東郡東武陽張表字公方 門生東郡東武陽滕

穆字奉德 門生東郡樂平桑演字仲厚 門生東

郡樂平靳京字君賢 門生東郡樂平梁布字叔光

門生東郡樂平桑顯字伯異 門生陳留平北司

馬規字伯昌 門生安平下博張祺字對松 門生

安平下博張朝字公房 門生安平下博蘇觀字伯

臺 門生安平堂陽張琦字子異 門生北海安北

齊納字榮謀 門生北海都昌呂升字山甫 門生

北海劇秦麟字伯麟 門生北海劇如盧浮字遺伯

門生北海劇薛顛字勝輔 門生北海劇高冰字

季超 門生濟南梁鄆趙政字對政 門生濟南梁

鄆徐璜字幼文 門生濟南東平陵吳進字升臺

門生甘陵廣州李都字元章 門生甘陵貝北賀曜

字升進 門生魏郡清淵許祺字升明 門生魏郡

館陶史崇字少賢 門生魏郡館陶孫忠字府文

門生東郡樂平盧精字子節 門生任城任

字景漢 門童安平下博張忠字公直 故吏北海

都昌逢祈字伯燾 故吏北海都昌臻章字文理

故吏北海都昌魏稱字文長 故吏北海都昌呂規

字元規 故吏泰山費魚淵字漢長 故吏泰山華

母樓覲字世光 故吏泰山南城禹規字世舉 故

山南武陽蕭誨字伯謀 故民泰山常溥字彥

字季□ 弟子北海劇陸暹字孟輔 弟子陳留襄

邑樂禹字宣舉 弟子下邳朱班字宣□ 弟

子東平寧陽周順字承□ 弟子沛國小沛周升字

仲甫 弟子魯國文陽陳襄字聖博 弟子汝南平

輿謝洋字子讓 弟子山陽瑕丘丁瑤字實堅 弟

子魯國戴璋字元珪 弟子魯國六王政字漢方

右漢孔宙碑陰凡六十二人漢碑陰多不題額惟

此及陳德鄭季宣碑陰有之隸釋云漢儒開門受

徒著錄有盈萬人者其親受業則曰弟子以次相

傳授則曰門生未冠則曰門童此碑前列門生四

十二人門童一人後列弟子十人如果親受業爲



弟子而以次相傳授爲門生不應弟子反列門生  
門童之後隸釋此言雖本之歐陽集古錄恐終未  
可深信也



漢孔褒碑

右漢孔褒碑云君諱褒字文禮孔子廿世孫泰山  
都尉之元子此下石理皴剥文字斷續多不成讀  
有云元節所過下莫敢藏匿君念下濟渡窮厄後  
會事覺下臨難引缺各爭授命云云按三國志崔  
瑗傳註引續漢書曰山陽張儉以中正爲中常侍  
侯覽所忿嫉覽爲刊章下州郡捕儉儉與融兄褒  
有舊亡投褒遇褒出時融年十六儉以其少不告  
也融知儉爲長者有窘迫色曰吾獨不能爲君主  
耶因留舍藏之後事泄相國以下密就掩捕儉得  
走脫登時一及褒送獄融曰保納藏舍者融也

融當坐之 彼來求我罪我之由非弟之過我  
當坐之兄弟爭死郡縣疑不能決乃上讞詔書令  
袞坐焉碑雖不全大略無異泰山都尉者宙也宙  
有七子袞長融次第六又有謙宙與謙皆有碑在  
孔子廟庭袞碑不知何時淪沒歷代載籍皆無可  
考錢塘金壽門語予云 憲皇帝時閩人何琦字  
禮康客遊曲阜得之郊外水濱因載歸于廟自題  
字于碑陰碑字已極剝蝕獨行首十餘字名字世  
系一一俱完亦一奇也

漢華山碑 延熹八年

西嶽華山廟碑篆額

周禮職方氏河南山鎮曰崑謂之西嶽春秋傳曰山嶽則配天乾以定位山澤通氣雲行雨施既成萬物易之義也祀典曰日月星辰所昭仰也地理山川所生殖也功加於民祀以報之禮記曰天子祭天地及山川歲徧焉自三五迭興其奉山川或在天子或在諸侯是以唐虞疇咨四嶽五□壹巡狩皆以四時之中月各省其方親至其山柴祭燔燎夏酉則未聞所損益周鑒於二代十有二歲王巡狩殷國亦有事于方嶽祀以圭八六歌高祖初興改秦淫祀大宗

承循各詔有

川在諸侯者以時祠之

孝武

皇帝脩封禪之禮思登假之道巡省五嶽禋祀豐備  
故立宮其下宮曰集靈宮鑿曰存僊鑿門曰望僊門  
仲宗之世重使使者持□祀焉歲一禱而三祠後不  
承前至于亡新甯用止虛訖今垣趾營北猶存建□  
之元事舉其中禮從其省但使二千石以歲時往祠  
其有風旱禱請祈求靡不報應自是以來百有餘年  
有事西巡輒過亨祭然其所立碑石刻紀時事文字  
摩滅莫能存識延熹四年七月甲子宏農太守安國  
亭侯汝南袁逢掌嶽之主位應古制脩廢起頽闕  
其若茲深達和民事神之義精通誠至禘祭之福乃

案經傳所載原本所由銘曰斯石垂之于後其辭曰  
巖巖西嶽峻極穹蒼奄有一口朔遂荒崑陽觸石興雲  
雨我農桑資糧品物亦相以光崇冠二州古曰雍梁  
馮于豳岐文武克昌天子以義巡狩省方玉帛之贄  
禮與岱亢六樂之變舞以欣康在漢中葉建設宇堂  
山嶽之守是秩是望侯惟安國兼命斯章尊脩靈基  
肅共壇場明德惟馨神歆其芳遏禳凶札孳斂吉祥  
歲其有年民說無疆

袁府君肅恭明神易碑飾闕會遷京兆尹孫府君到  
欽若嘉業遵而成之熹八年四月廿九日甲子就  
袁府君諱逢字居戶 河南女陽人孫府君諱環字山

凌安平信都人侍父永頡字宣得甘陵鄒人丞張昇  
字少游河南京人、爲唐佑字君惠河南密人主者  
掾崋陰王萇字德長

京地尹勅臨都水掾霸杜□□石遺書佐新豐郭審  
察書刺者潁川邯□公脩蘇□□卞君□

右西嶽峯山廟碑錢唐金壽門舊有此拓本予從  
摹得之殘缺不十餘字餘或筆畫小損皆可辨認  
也此碑自嘉靖時毀壞拓本流傳甚少關中郭允  
伯所藏得自東雲駒後歸王無異後又入商邱宋  
太宰家凡顧亭林朱竹垞劉太乙顧南原所見皆  
此一本幾以爲騏驎一毛虬龍片甲世間無復副



本矣乃胤伯白云缺百二十字而此本乃不若是之甚郭本有額而此本篆額六字亦全豈不較勝于郭本耶又梁紹吳棟臣客淮陰自言其家亦有一本得之其鄉秦氏雖不知視此本何如要之此碑之流傳于世者尚不止此數本也

玉篇有玉字音粟音𤣥玉工也點在中畫上與玉字點在下音義各別韻會正韻諸書皆沿其說此碑玉帛之贄玉字點正在上義止是玉不可以他音他義釋也蓋點之上下乃行筆小異不當從此妄生穿鑿



漢執金吾丞武榮碑

漢執金吾丞武君之碑 隸額

君諱榮字含和治魯詩經常君章句關中傳 經

論語 左氏國言廣學甄徹靡不貫綜久旃

大學嶺然高厲羸於 正學優則 書佐郡曾

史主簿督郵五官掾功曾守從事平世六汝南蔡府

君 廉 下 執 吾丞 孝桓大憂七

守元武愆哀悲慟加遇害氣遭疾 君

即吳郡 卿之中子敦煌長史之次弟也廉孝 承

六世載 不忝 命 衡蓋觀德於

始述行於終於是刊 銘垂示 其

天峯雄彥資十卓茂仰高鑽堅允 允武內幹三

外 師旅 勤

旗絳天雷震電舉

軟耀赫 陵惟哮屣當遂收肱 之元

應乎我君仁如不壽爵不副德位不稱功

感襲

遠近哀同身

誦

右漢執金吾丞武榮碑今在濟寧州儒學字原云

碑言遭孝桓大憂哀隕而亡當是靈帝時也謝滄

滔云永康元年十二月帝崩靈帝即位改元建寧

蓋君之卒當在靈帝未改元之前故不書年也

漢書食貨志鹽鐵錢布帛五均賒貸幹在縣官師

古曰主領也幹音管字從斗竇憲傳內幹機密劉

向傳幹尚書字皆從干而音義與幹無異疑皆幹  
字轉寫之譌此碑內幹三署隸釋署字猶存幹字義亦作  
幹蓋其相延已久譌幹爲幹有由來矣



漢竹邑侯相張壽碑建寧元年

漢故竹邑侯相張君之碑

隸額

君諱壽字仲吾其

蓋簪

孝友

恭懿明允篤信

經

習父

匡國達賢

登善濟可班叙優能正

謂者贊衛王臺

妻忠塞上嘉其節仍

相明德慎罰

遭江楊劇賊上

苗并官相

自菲薄儲侍

所

皤皤

稼書滋殖國

聿豐穰

將

樂化戶口增

殷功刊王府

過昔邳周紘

君常懷色斯舍

駱驛要請君

固執不顧民無

覲

帝視不折

徒府進退以禮



酉卒

夫積循純固者

五月

石樹碑式昭

亮元德於我

曰

體懿純超三

賦效

邦畿黎烝殷四荒饑感良臣

彌闡垂令

紀永不刊于冒德源後昆

右漢竹邑侯相張壽碑今在武城縣斷折不全已  
截爲後人碑趺按隸釋所錄凡五百五十五字今

僅存一百七十七字蓋其大半矣君自孝廉除  
郎中給事謁者遷竹邑侯相因治功曹周憐之過  
反爲督郵周紘所表罷官後以州郡招請復爲從  
事辟司徒府年八十以建寧元年五月卒此其歷  
官大畧也銘辭三言三十句今皆斷續不成文理  
字亦曖昧難辨非洪氏著錄幾不可識矣

漢衛尉衡方碑建寧元年

漢故衛尉卿衡府君之碑

隸額

府君諱方字興祖肇先蓋堯之苗本姓

則有伊

尹殷之世號稱阿衡因氏

土家于平

陸君之烈祖少呂濡術安貧樂道履該顏原兼循季

由聞斯行諸礪仁

土階夷愍之貢經常

伯之賓位左馮翊先帝所尊垂名竹帛考瘞江太守

兄癘門太守

孝長發其祥誕降于君天資純

懿昭前之美少呂文塞救厖允元長呂欽明耽詩悅

書

秋仕郡辟州舉孝廉除郎中即止侯相膠

東令遵尹鐸之導保鄣二城叅國起按斑

本肇末化速邽置州舉尤異遷會稽東部都尉將

南仲邵席之軌 翼軫之旌操暴 綏來王之

蠻會喪太夫人感背人之凱風悼慕儀之劬勞寤閣

苦出 上言 向 祥除徵拜議郎右北

平大守尋李廣之 邊恢魏絳之和戎戎戰土供

靜有績遷潁川大守循清滌俗

招拔隱逸光 茹國外浮譖淡畧縲動氣泄狂

歸來洙泗用行舍歲徵拜議郎遷大醫令

京兆尹 都餘化詩人所詠竝有亾新君

隆寬慄穀火光物隕霜剿姦振滯起舊存亾 絕恩

降乾太威剝肅此本朝錄功入 翼紫宮夙

爽惟寅禕隆左公有篋襄穆

之風詔選賢良招

先逸民君務左

共順

文

已從政者退就勅

永康之末君

孝桓建寧初政朝用舊臣笛拜步兵

校 處六師之

維時假階將授緄職受任決旬庵

離寤疾年六十有三建寧元年二月五日癸

弔賻禮百賻臨會莫不共聲其年九月十

七日

酉塋蓋睢頌興而清廟肅中

而

故仲尼既歿諸子綴論斯干佗歌用昭于宣誼以旌

德銘以勒勲於是海內門生 吏

采嘉石樹

靈碑鐫茂伐秘將來其辭曰

峨峨我君懿烈孔純高朗神武歷世忠孝馮隆鴻軌

不忝前人寬 不主德義是

溫故前呈

搢英接秀踵 晏平初據百里顯顯令聞濟康下民

曜武南會邊民是鎮惟 憂及退身衆 帝室

剖符守藩北靖 有 有轂旋 中巒幽滫呂榮

邁種舊京 舍澤 彼寧剋長剋君

不虞不陽維 維允耀此轂香能慙能惠剋亮天功

入 法言稽古道而後行 競業業

素絲羔羊閭閻侃侃顛顛昂昂 規履桀金玉 相

寥寥王臣羣公 樂旨君 疆銘勒金

問 萬世是傳 門□□□樂□  
朱登字仲□

右漢衛尉卿衡方碑今在汶上縣雖有缺壞然官

閻氏族卒葬歲月一一可見金石錄以爲建寧三年二月立洪氏已辨其誤金石文字記又爲三年六月亦誤也

碑云感背人之凱風悼蓼儀之劬勞趙德甫以蓼儀即蓼莪然矣至背人二字乃置不論予按背人即抑人也廣韻抑同郟紂畿內地名碑以郟作抑而又省其邑耳他如樂只君子作盲委蛇在公作禕隋克長克君作剋能哲能惠作慙非盡假借必當時經師所傳有此異本也

隸釋云禕隋字出韓詩內傳內傳久不傳未知洪氏何據經典釋文引韓詩但作逶迤

容齋五筆言委蛇字凡十二變一曰委蛇二曰委  
佗三曰逶迤四曰倭遲五曰倭夷六曰威夷七曰  
委移八曰逶移九曰逶蛇十曰蛟蛇十一曰邁迤  
十二曰威遲今此碑又作禕隋唐扶碑作逶隨劉  
熊碑作委隨枚乘兔園賦作萎窳博雅陔險也  
文選薛注周道威夷險也則陔陔亦委蛇之別體  
而字書尚有蛟蛇蛟蛇隱陔之異此二字固不止  
十二變洪公尚考之未盡也



漢魯相史晨孔子廟碑

建寧二年

建寧二年三月癸卯朔七日己酉魯相臣晨長史臣  
謙頓首死罪上

尚書臣晨頓首頓首死罪死罪臣蒙厚恩受任符守  
得左奎婁周孔舊寓不能闡宏德政恢崇壹變夙夜  
憂怖累息屏營臣晨頓首頓首死罪死罪臣以建寧  
元年奉到官行秋饗飲酒畔宮畢復禮孔子宅拜謁神  
望仰瞻禳桷俯視几筵靈所馮依肅肅猶存而無公  
出酒脯之祠臣即自以奉錢脩上案食馔具以敘小  
節不敢空謁臣伏念孔子乾此所挺西狩獲麟爲漢  
制佐故孝經援神契曰元北制命帝卯行又尚書考

靈燿曰止生倉際觸期稽度爲赤制故作春秋以明文命綴紀撰書脩定禮義臣以爲素王稽古德亞皇代雖有衰成世享之封四時來祭畢即歸國臣伏見臨辟廡日祠孔子以大宰長吏備爵所以尊先師重教化也夫封邱爲社立稷而祀皆爲百姓興利除害以祈豐穰月令祀百辟卿士有益於民矧乃孔子元德煥炳光於上下而本國舊居復禮之日闕而不祀

誠

朝廷聖恩所宜特加臣寢息耿耿情所思惟臣輒依社稷出王家穀春秋行禮以共煙祀餘□賜先生執事臣晨頓首頓首死罪死罪臣盡力思惟庶政敢稱

爲效增異臣晨誠惶誠恐頓首死罪死罪上

尚書 時副言大傅大尉司徒司空大司農府治所

部從事

昔在仲尼汁光之精大帝所挺顏母毓靈承敝遭衰  
黑不代倉□涿應聘嘆鳳不臻自衛反魯養徒三千  
獲麟趣佗端門見徵血書著紀黃玉韻應主爲漢制  
道審可行乃佗春秋復演孝經剛定六藝象與天談  
鈎河擿雒却揆未然魏魏蕩蕩與乾比宗

右漢魯相史晨孔子廟碑內缺二字自隸釋所錄  
已然闕里志餘下作胙字蓋因晨後碑有餘胙賦  
賜句也山東通志流上作周字闕里志又改周流

爲轍環通志遂削去餘昨句皆妄不足據銘云昔  
在仲尼汁光之精又云承敞遭衰黑不代倉者以  
孔子爲黑帝叶光紀之精而不得代周有天下也  
汁即叶字又云獲麟趣作端門見徵血書著紀黃  
玉繚應者公羊傳何休註云獲麟之后天下血書  
魯端門曰趨作法孔子沒周姬亾彗星出秦政起  
□破術書記散孔不絕子夏明日往視之血書飛  
爲赤鳥當時盖有此說皆緯書所載漢人一時傳  
習徃徃見諸文字如禮器卒史諸碑言多相近至  
以孔子作春秋謂爲漢制則尤傳會可笑矣  
碑式云文十七行行卅六字顧氏隸辨云卅五字

盖行末各損壞一字顧氏但據今拓本故云卅五  
字也攷隸釋所載缺字全在今依洪本補之



漢魯相史晨孔子廟後碑

相河南史君諱晨字伯時從越騎校尉拜建寧元年  
四月十一日戊子到官乃以令日拜 孔子聖見闕  
觀式路雯跽既至升堂屏氣拜手袒肅肩僂髮髯若  
左依依舊宅神之所安春秋復禮稽度元靈而無公  
出享獻之慶欽因春饗導物嘉會述脩辟靡社稷品  
制卽上尚書參以符驗乃敢承祀餘肫賦賜刊石勒  
銘并列本奏大漢延期彌歷億萬

時長史廬江舒李謙敬讓五官掾魯孔暘功曹史孔  
淮戶曹掾薛東門榮史文陽馬琮守廟百石孔讚副  
掾孔綱故尚書孔立元世河東大守孔宓元上靈土

孔袞聞禮皆會廟堂國縣負尤吏無大小空府竭寺  
咸俾來觀并畔宮文學先生執事諸弟子合九百七  
人睢歌吹笙考之六律八音克諧蕩耶反正奉爵稱  
壽相樂終日於穆肅雍上下蒙福長享利貞與天無  
極

史君饗後部史仇誦縣吏劉耽等補完里中道之周  
左庶垣壞決佗屋塗色脩通大溝西汜里外南注城  
池恐縣吏毀民侵擾百姓自以城池道濡麥表給令  
還所斂民錢材史君念孔漬顏母井去市遺遠百姓  
酤買不能得香酒美肉於昌平亭下立會市曰彼左  
右咸所願樂



又勅瀆井復民飭治桐車馬於瀆上東行道表南北  
各種一行梓

除傲夫子冢顏母井舍及魯公冢守吏凡四人月與佐

右史晨後碑即刻于前碑之陰隸釋云前碑載奏  
請之章此碑叙饗禮之盛其補垣厝治瀆井種梓  
守冢皆在饗禮後守畫亦大小不等蓋史君孔林  
中事不一書也

碑十四行前八行行卅六字今行末各損壞一字  
與前碑同自史君饗後六行字較大則行卅五字  
也碑末餘三行有唐武周天授一年金臺觀王馬

元正等題名

漢孝廉柳敏碑 建寧二年

故孝廉柳□□□□愚卿其先蓋五行星仲廿八舍  
柳宿之精也放像爲用縣設爲道□商家而□□□  
□而主或聞生柳惠國大夫而涑俗稱焉君父以孝  
廉除郎中□部府丞君追祖繼體庶職五官功曹守  
宥渠令本初元年大守蜀郡□君復察舉君□命失  
平君清節儉約厲風子孫固窮守陋不□□堂無文  
釀墓無碑識建寧元年辛縣長同歲捷爲屬國趙臺公  
憤然念素帛之義其二辛十月甲子爲君立碑傳于  
萬基因勒歎之厥辭曰

惟斯柳君天籟鯁□龍祖□風行無遺闕授政股肱

諫事匡弼奮威外困屬城震栗宰守□頌垂名所立  
表貢王庭望極爵位可辜□蒼官寵不遂予惟三六  
庶昔延李建立斯碑傳于萬世子孫繁昌永不泯滅  
嗚呼哀哉嗚呼哀哉□曰

山陵元室□斯邦兮先人脩質尚約清兮汶飭不雕  
隕靈滅兮季子信舊帶樹松兮備倍追歿激□揚兮  
亡而像存樂嘉靈兮宗子子集嗜其鳴兮四時丞嘗  
不廢流兮

右漢孝廉柳敏碑漢隸字原云在忠州忠州今屬  
四川重慶府道路遼遠自宋時洪趙二家而外他  
人皆未見著錄近時不知何人始數致拓本江南

藏碑者皆有之予審視再四疑後人用舊文刊刻不及細檢致多脫誤其可訾者數端隸釋錄此文固窮守陋句下存一不字不下注闕三字今此碑不下止闕二字以上下文義讀之自清節儉約厲風子孫固窮守陋以及堂無文廡墓無碑識皆以四字成句東漢文體自是如此不應此句獨減一字也碑云因勒歎之隸釋作因勒銘歎之此句若無銘字成何文理漢碑雖多艱深古奧之辭然必不至此銘云天鱗鯁□字書無鱗字隸釋字原皆作天憤字原注云義作資奮威外因二書皆作相字原上平哈韻懷字引此碑嗚呼懷哉今碑亦但

作哀凡文字刊版者類不如石刻之真故前人往往以碑本正書冊之訛然如此碑前二字脫落顯然後數字雖未知孰爲是非但洪婁二公皆精于考訂一字之異必證據確切詎有外欄作外因獨置而不論之理至若籟不作憤哀不作懷婁氏字原又何從摹其隸體編入韻中乎予蓄此疑久而未決適錢塘黃松石過予因論漢碑出此相質彼言審視隸法亦無漢人淳古之氣斷爲僞作無疑予遂欲屏去不錄既以此碑真跡遠在蜀地實爲難得獲此本者鮮不珍之未必有細加推勘如此者因納之錄中而詳載其說于後且願與天下博

古者更加論定焉





金石存卷八

隸三

鈍根老人編

綿州李調元雨村校

漢淳于長夏承碑

漢陳德碑并碑陰

漢博陵大守孔彪碑

碑陰

漢邨閣頌

漢司隸校尉魯峻碑

碑陰

漢元儒先生婁壽碑

漢聞憲長韓仁碑

漢從事尹宙碑

漢淳于長夏承碑建寧三年

漢北海淳于長夏君碑篆額

君諱承字倬夷東萊府君之孫大尉掾之卓子右中  
郎將弟也累葉牧守印綬典據十有餘人皆德任其  
位名豐其屬是故寵祿傳于歷世帶薰著于主室君  
鍾其美受性淵懿舍和履仁治詩尚書兼覽羣藝靡  
不尋暢州郡更請屈已匡君爲主薄督鄰五官掾功  
曹上計掾守令與州從事所在執憲彈繩糾柱忠絜  
清肅進退以禮允道薦愛先人後已克讓有終察孝  
不行大傳胡公歆其德美旌招俯就羔羊在公四府  
歸高除淳于長到官正席流恩褒譖糾姦示惡

六建寧三年六月癸巳淹  
疾卒官嗚呼痛哉臣隸辟踊悲動左右百姓號 若  
喪考妣哽孤憤泣怛怛傷摧勒銘金石惟以告哀其  
辭曰

於穆皇祖天挺應期佐時理物紹繼先軌積德勤約  
燕弓孫子君之羣慙並時繁祉明明君德令問不已  
高山景行慕前賢烈庶同如蘭意願未止中遭冤反  
不終其紀夙在賈社早喪懿寶抱器幽潛永歸蒿里  
痛矣如之行路感動黨魂有靈罔後不朽

右漢淳于長夏承碑予得雙鈎本于海鹽畢既明

後有豐道生跋蓋從宋搨影摹者是碑在廣平府  
宋元祐中因治河隄得之字畫最爲完善暨明成  
化己亥知府秦民悅見碑什府治後堂乃復樹于  
堂之東隅創愛石軒以覆之刻跋于碑陰謂碑下  
截凡一百一十字年久蘚蝕係後人重摹者不知  
何時又復淪沒嘉靖戊戌掘地得之求索者衆郡  
守唐寬即碎其石後守唐曜又重刻于漳川書院  
亦有跋言此碑因取築城之石爲工所毀蓋不欲  
暴前守之短故微其辭也今廣平本字跡醜惡筆  
畫譌謬去宋本遠甚首無篆額但正書數字而已  
此本中缺三十二字其餘字完書蓋猶在一百一

十字未缺之前者都太僕家本缺字四十五謂是  
舊搨顧南原家本與都正同然按隸辨所載碑字  
翼作冀羣作群之類顯與宋本乖異則顧氏所有  
即非漳川書院本亦秦跋所謂一百一十字重摹  
本也

銘辭始終一韻期列寶朽四字皆可與紙韻相通  
惟動字不可強叶即毛初晴三聲兩界之說亦不  
可通不知古人當作何讀法也

漢陳君碑建寧四年

漢故陳君之碑隸額

君諱德字伯下建寧元年二拜郎中以其之性

蜀郡之縣丞張公同乃立斯碑佗於惟我君

從之仁本自天子子孫孫永建寧四年三

碑陰

故門下史人名隸額

故門下史王下故門下史 故戶曹史 故戶

曹史王 故功曹掾陳 故郡曹史田 故功曹史

故功曹史田 故門下史田 故門下史王

故門下史田

右漢陳君碑不知所從得但存其上截凡十行行五字云君諱德字伯伯下一字已無賴其額全是  
以知其姓陳耳前有建寧元年後有建寧四年云  
云前似其出仕歲月後則勒碑歲月也其餘字雖  
可識然無可句讀者碑陰亦有額凡十一行行五  
字與前碑同存門下史五戶曹史三郡曹史一功  
曹史三諸人僅有姓存其名皆亡矣此碑不見前  
人集錄字尚不甚剝惜其斷折無從知陳君之  
行事然一鱗片甲亦可珍也



漢博陵太守孔彪碑建寧四主

漢故博陵太守孔府君碑

篆額

君諱憲字元上孔子十九世之孫潁川君之元子也  
君少履天姿自然之正帥禮不爽好惡不衡孝哀度  
衷脩身踐言龍德而學不至於穀浮游塵埃之外矚  
焉泥而不俗郡將嘉其所履前後聘召蓋不得已乃  
翻爾束帶宏論窮理直道事人仁必有勇可以託六  
授命如毛諾則不宿美之至也莫不歸服舉孝廉除  
郎中博昌長疾病苗宿口遷 府丞未出京師遭  
大君 踰臯魚喪致乎哀謹畏 章服竟還  
拜尚書侍郎無偏無黨遵王之素慶可黜否出

度日洛位佇所在祇肅拜治書御史膺臯陶之 恕

用既平 博 守郡

阻山

以饑饉斯多草竊罔不 賊 曼張丙

等白日攻剽罔 不命君下 之初 五教以

削四凶以勝殘乃 爰尚桓桓拊馬疆害醜類

已殫路不拾遺 民以 發 憲每合天心

所惡 人義之所欲不 姓樂政而歸

于德 如父母順如流水遷下邳相河東太 舉此

風也未 懼不令而後雲行雨

大和海內歸公卿之任矣 實若壺固執

謙需以病辭官

竭

彈

窮  
富

琴擊磬 之味而不改其靜上帝集謀天秩

將據師傳之紀之綱而疾 乃 乃 世 建

寧四幸七月辛 哀哉魂神超邁方兮冥冥

孤切絕于嗟想形 哀 念不欲生羣臣號咷

靡 復 夫逝往不可 兮 識惟君之軌

迹兮如列宿之錯周易建八卦 蒼敷辭述而不作

蒼敷  
即  
敷  
擊

彭祖賦詩 讚 見于時頌

王沛等伏信好古敢詠顯 乃刊斯石欽銘洪基昭

示後昆申錫鑒思其辭曰

穆穆我君大聖之胄惇懿允元睿其元秀惟鬱降精

誕生忠良奉應郡 亮彼我 居

周

也正名朝無稗政直

惟清出統華夏

化以典成

猾殄逆賢倚

庭

乃

征

之翰先民是程宜乎三事

金鉉利貞而潔白

俾世憤惻當

眉耆莫匪爾極

邈

不意

嗟悲兮

息淍淍庶幾

復焉所力容乎不朽

而德存伊尹之休格于

我君績表于月青永永無沂與日月并于

右漢博陵太守孔彪碑在今孔子墓林中文字損壞較孔廟他漢碑爲甚幸其全文錄在隸釋者大半可讀官閱世族亦班班可考也孔君名彪隸書

從虎之字多變從西故彪字變而為寇字既難識  
石又就壞自歐陽公已不能舉其名所以明人修  
闕里志者遂譌爲震而彪之名不復存于孔氏譜  
牒矣幸有韓叔節碑陰題名有尚書侍郎孔寇元  
上名字全美可證不疑此修志者所宜急改正也



漢孔彪碑陰

故吏司徒掾博陵安平崔烈字威孝 故吏齊

陵安平崔恢字行孫 故吏 氏令博陵安平王沛

字公豫 故吏司掾博陵安國劉德字伯桓 故

吏外黃令博陵安國劉揚字子長 故吏白馬尉博

陵博陵齊智字子周 故吏五官掾博陵安平劉麟

字幼公 故吏五官掾博陵安平王瑤字顯祖 故

吏五官掾博陵安平孟循字敬節 故吏五官掾博

陵高陽史應字于聲 故吏五官掾博陵南滌澤程

祺字伯友 故吏五官掾博陵南滌澤程祐字元祐

故吏五官掾博陵安國劉機字 閣

右漢孔憲碑陰一列十三人前碑字雖殘缺存者  
時尚可讀碑陰字愈磨滅再數十字必成泰山無  
字碑矣

孔君自舉孝廉除郎中博昌長遷京府丞拜尚書  
侍郎爲博陵太守遷下邳相河東太守以卒而碑  
首但題漢故博陵太守孔府君碑隸釋云此碑陰  
故吏十三人皆博陵之人函甘棠之惠痛夏屋之  
傾相與刊立碑表故以本郡題其首理或然也



漢邠閣碑 建寧五年

析里橋邠閣頌 隸額

惟斯析里震漢之右 漢源漂疾橫注于道 涉秋霖澆  
盆溢 漏濤波滂沛激揚絕道 漢水逆讓 稽滯商旅  
路當二州 經用衿沮 沮縣士民或給州府 休謁往還  
恒共日晷 行理咨嗟 郡縣所苦 斯谿既然 邠閣尤甚  
緣崖鑿石 處隱定柱 臨深長淵 三百餘丈 接木相連  
號爲萬柱 過者慄慄 載乘爲下 常車迎布 歲數千兩  
遭遇隕納 人物俱降 沈沒洪淵 酷烈爲禍 自古迄今  
莫不創楚 於是

大守漢陽阿陽李君諱翕字伯都 從建寧三年二月

辛巳到官思惟惠利有從綏濟聞此為難其日久矣  
嘉念高帝之開石門元功不朽乃俾衡官掾下辨仇  
審改解危殆即便求隱析里大橋於今乃造校致攻  
堅 互巧雖昔魯斑亦莫擬象又驛散關之嶮潔  
從朝陽之平燧滅西 高閣就安寧之石道禹導  
汜河以靖四海經紀厥續艾康萬里臣 勒石  
示後乃作頌曰

降茲惠君克明俊德允武允文躬儉尚約  
化流若神遠民如子 平均精通暗穹三納符鉉  
所歷垂勲香風有隣仍致瑞應豐稔 樂  
行人夷欣慕君靡已乃詠新詩

子川允之間高山崔嵬子水流蕩蕩地既  
磳确兮與寢爲隣

从析分或共緒業

子至于困貧危危累卵子聖朝閔憐耗艾完 子勇

救傾子全育 遺勛勞日稷子惟惠勤

勤黃邵朱龔子蓋不 充贏子百姓歡欣僉

曰大平子文翁復存

右漢析里橋郿閣頌金石文字記云今重刻在略

陽縣字畫醜惡絕無古意正此本也較隸釋所錄

益多殘缺又少建寧五 月十八日癸 一行

又時衡官 仇審字孔信從史位

字漢德爲此頌故吏下辨 子長書此頌時

石師

字威明三行漢碑多不著書撰人惟此碑有之而兩人姓名皆亾僅有字存乃此本又復不具亦可惜也故備著之石墨鐫華述馬伯循之言以此爲蔡邕書當亦未見後數行耳

改解危殆即便求隱隱即穩字說文穩安也從隱省古人通用安隱

集古錄云經紀厥績今碑乃是厥績揆諸文理則績爲長疑重刻時以字形相近誤摹也

漢司隸校尉魯峻碑 熹平二年

漢故司隸校尉忠惠父魯君碑 隸額

君諱峻 巖山陽昌邑人其先周文公之碩胄

伯禽之懿緒 呂載于祖考 銘也君則臨營言者

之孫脩 令之子體純 仁義之操治魯詩

兼通顏 秋博覽羣書無 桀學爲傾宗行爲

主表 始任佐職牧守敬恪恭儉州 歸稱舉孝

庶除郎中謁者河內大守丞喪父如禮 司徒府

高第侍御史東郡頽丘令視事四年比縱豹產化行

如流遷九江太守 殘酷之刑行循吏之道統政

若清 有黃 召信臣在穎南之歌 呂公事

官休神 銜未 一暮爲司空王 所舉徵拜議郎

尉長史御史中丞延熹七 二月丁卯拜司

尉董督京 掌察羣寮蠲細舉大權然疏發不爲小

威呂 仁弼中獨斷呂效其節案奏 公彈絀五

卿等夏衽肅佞穢者遠遭母憂自乞 卽服竟

拜屯騎校 呂病 位守疏廣止足之計 於陵灌

園之契閉門靜 自娛幸六十二熹平元丰

月癸酉卒明丰四月庚子葬於 是門生 南 沛

國丁直 郡馬劬勃 圖任城吳盛陳苗誠屯東

郡夏焮宏 三百廿人 在管游夏之徒 宣

尼君事帝則忠臨民則惠乃昭神明謚曰忠惠父

不才弱 而孤承堂弗木所 何悲蓼 之不  
痛昊 之靡嘉頰企有紀 号蒼刊石敘哀

巖巖山岳礪落彰較棠棠忠惠令德孔嫺命 時生  
雅度宏綽允文允武厥姿 內懷溫潤外撮強虔  
督司京師旣然清邈當 緄職爲國之權匪究南山  
遐邇 倒凡百君子欽謚嘉 永傳童齡喚矣的的

右漢司隸校尉魯峻碑今在濟寧州儒學較隸釋  
所錄損六十餘字惟隸額十二字尚全濟寧儒學  
列漢碑五左二右三北海相景君郎中鄭固尉氏  
今鄭君執金吾丞武榮與此碑是也峻墓本在金

鄉墓側有碑又有石祠四壁刻古聖賢畫象洪氏  
隸續載之今石祠畫象久矣不存其碑幸與至學  
舍是以僅存不毀耳



漢魯峻碑陰

故吏河內 管欠 芻遠千 故吏九江壽春 敵龔  
麟五百 故吏九江壽春任 孝長五百 故吏東  
郡頓丘許踰伯過五百 門生沛國譙丁宜景榮千  
門生勃海高成呂圖世階千 門生東郡濮陽殷  
敦登高十 門生汝南召陵千商朝公五百 門生  
南陽新野魏顥文臺五百 門生平原般路龍顯公  
五百 門生平原西平昌壬瑞子行五百 門生陳  
留尉氏胡嵩永高五百 門生陳留尉氏胡昱仲  
五百 門生濟陰定陶 真子然五百 門生任城  
樊兒雄大平五百 門生平原樂陵路福世輔三百

門生魏郡斥丘李牧君伯三百 門生魏郡繁陽  
壬輔子助三百 門生任城任城周普妙高三百  
門生任城任城吳盛子興三百 門生勃海重合梁  
悖紘節三百 門生河東蒲反李 時三百 門  
生河東蒲反陽成 文智三百 門生汝南汝陽鄭  
立 三百 門生東郡 邑 子松二百  
門生東郡博平孫謙 二百 門生東郡樂平  
顯 二百 門生東郡樂平邢 二百 門  
生魏郡內黃馬萌子 二百 門生魏郡犁陽壬  
少 二百 門生汝南滎強尹稜 二百 門生  
汝南滎強尹顯 二百 門生勃海南皮劉扶節

門生勃海南皮劉盛興

門生河

間巨成東鄉晨子

百 門生河間巨成東鄉恭

公

百 門生平原西平昌劉本景

門

生平原殷張謙伯讓二百 門生陳留尉氏夏統子

思二百 門生濟陰乘氏許仁伯德二百

門生濟

陰離狐周維元興二百 義士梁國寧陵

强强良

二

右漢魯峻碑陰其載在隸續者與此不同蓋洪氏誤以他碑之陰爲此碑陰也隸辨云凡三列下一列漫滅存者二列每列得二十一人前有故吏四人餘稱門生最後一人稱義士凡四十二人金薤

琳琅云此碑歐陽公趙明誠皆失收錄至洪丞相  
隸釋于漢碑搜羅殆盡亦復遺焉予家此碑不特  
人間少有且文字粗完可讀惜不令三公見之今  
取石本較都公所錄都本少八人其中誤釋者數  
十字又都本以爲殘缺而今本尚完好可識者十  
餘字蓋都公于分隸非其所習又或所見本不清  
遂據以爲定爾

漢婁壽碑 熹平三年

元儒婁先生碑 篆額

先生諱壽字元孝南陽隆人也曾祖父攸春秋以大  
夫侍講至五官中郎將祖父太常博士徵朱討司馬  
親父安貧守賤不可營以祿先生童狹多竒岐嶷有  
志挽髮傳業好學不厭不做廉隅不飭小行溫然而  
恭慨然而義善與人交久而能敬榮且溺之耦耕甘  
山林之杳藹遁世無悶恬供淨漠俸德衡門下學上  
達有朋自遠冕紳莘莘朝夕講習樂以忘憂郡縣禮  
請終不回顧高位厚祿固不動心鹿絳大布之衣糲  
糒蔬菜之食蓬戶茅宇椽樞甕牖樂天却命權乎其

不可拔也是以守道識真之杰高尚其事鄉鄆州鄰  
見親歲懷年七十有八熹平三年正月甲子不祿國  
乃相與論憲處謚刻石他銘其詞曰

皇矣先生裏憲惟明優於春秋元嘒有成却賤爲賈  
與世無爭徠德衡門禮義滋醇窮 不苟知我者天  
身歿殷鬯千載他珍繇之日月與金石存

右漢元儒先生婁壽碑完好無一字剝剝真漢刻  
之僅存者繇釋州鄰下闕一字此本乃是見字或  
當時偶闕此字耳此碑自歐陽公遷立于乾德縣  
之勅書樓下于今越六百餘年碑石不知在否而  
拓本之流傳人間者甚少竹垞先生嘗跋吳中齊

女門顧氏所藏不全本深以老年得見爲幸使其  
覩此當不知如何歎賞矣

此碑兩攸字義皆作修書朱爵爲朱肘皆省文也  
又以且溺爲沮溺捍篋爲栖遲疑當時經師所傳  
其不同有如此者





漢聞熹長韓仁碑 熹平四年

漢循吏故聞熹長韓仁銘篆額

熹干四年十一月甲子朔廿二日乙酉司隸

河南尹校尉空閭典統非仁素無績勲仁善

仁前在聞熹經國以禮刑政得中有子產君

尉表上遷槐里令除書未到流牽桓命垂身為

祀則祀之王制之禮也書到郡遣吏以少牢祠

力六行勛厲清惠以旌其美豎石記成表言如律

十一月廿二日乙酉河南尹君丞熹謂京寫

埧道頭訖成表言會月廿日如律令

右漢聞熹長韓仁碑篆額十字二行碑八行行存

十八九字下截不全今在河南滎陽縣儀門金哀宗正大五年滎陽令李天翼發地得之後有翰林學士趙秉文及趙郡李獻能二跋并題重立歲月于後按額題韓仁銘而碑中絕無銘辭一字雖下半不全然其存者可覆視也畧言仁在聞憲刑政得中上官表遷槐里令除書未到而卒及除書到日郡遣吏以少牢祠之而又豎石成表以旌其美云云此碑金正大中即已出土而明時如都元敬趙子函本朝如顧亭林顧南原輩按輯古碑殆遍此碑近在京索間絕無知之者至劉太乙續金石錄始載之近始遍鬻于世矣

漢書地理志後漢郡國志皆作聞喜劉寬碑陰河東郡聞喜作喜與此碑同史記周本紀無不欣喜漢書郊祀志而天子心獨喜師古曰喜讀曰喜急就章勉力務之必有喜皇象碑本作喜二字音義同

荒牽掙命即不幸短命也邨閣頌莫系創楚不作系此又因系而變之與荒字無異說文幸字本作忝其大下著羊者音達漢隸多借用之曹全碑不牽早世是也廣韻掙同短逢盛碑命有悠掙郭究碑不牽掙祚皆同

碑末云如律令此三字蓋漢人公移中記史記儒

林傳序述所載詔書前漢書朱博傳博口占檄文  
陳琳爲袁紹檄豫州文東觀餘論所載漢破羗檄  
皆有此三字但見之碑刻者絕少

漢從事尹宙碑 熹平六年

從

銘篆額

君諱宙字周南其先出自有殷迺迄于周世位師尹  
赫赫止盛因以爲氏吉甫相周宣勛功有章文則位  
頌武襄獫狁二子著詩列于風雅及其元孫言多世  
事景王載在史典秦蕪天下侵暴大旗支判流僮或  
居三川或徙趙地漢興以三川爲潁川分趙地爲鉅  
鹿故子心騰於楊縣致位執金吾子孫以銀艾相繼  
左潁川者家于僞陵克纘祖業牧守相亞君東平相  
之元會稽大守之曾富波侯相之孫守長社命之元  
子也君體溫良恭儉之德篤親於九族恂恂于鄉黨

交朋會友貞賢是與治公羊春秋經博通書傳仕郡  
歷主簿替郵五官掾功曹守昆陽令州辟從事立朝  
正色進思盡忠舉衡以處事清身以厲時高位不以  
為榮卑官不以為辱含純履軌秉心惟常京夏歸德  
宰司嘉鳥季六十有二遭離寢疾熹平六年四月己  
卯卒於是論功敘實宜勒金石迺作銘曰

於鑠明德于我尹君龜銀之胃弁也載勛細紀本朝  
優劣殊分守攝百里遺愛在民佐翼牧伯諸夏肅震  
當漸鴻羽為漢輔臣位不福德壽不隨仁景命不永  
早即幽昏名光來也萬祀不泯

右漢尹宙碑篆額二行今但存其下從銘二字君

歷官至從事而卒疑其額必題漢故某州從事尹  
府君銘十字今其上八字破壞不存故搨工但傳  
其下二字也文字完好簡質可誦且隸法淳古筆  
畫閒猶存篆籀遺意亦漢刻中上品

金石文字記曰鉅鹿之鹿不當從金按廣韻云鉅  
鑣郡名漢書只作鹿是古字固有從金者又云福  
乃副字之誤按碑本作福從衣不從示廣韻云福  
衣一福也今作副是福乃副之別體非誤文也亭  
林親校廣韻顧于二字失之

